

Chiqish 15:9 Shunda dushman gerdayib aytdi: “Orqalaridan tushaman, quvib yetaman. O'ljani baham ko'raman. Bulardan ko'nglim qoniqadi. Qilichimni yalang'ochlab, ularni yana qul qilaman.”

Chiqish 18:21 Ammo bularga qo'shimcha qilib, sen Xudodan qo'rqqan, diyonatli, tamadan nafratlanadigan, layoqatli odamlarni tanlab ol. Ularni xalq tepasiga mingboshi, yuzboshi, ellikboshi, o'nboshi qilib tayinla.

Chiqish 20:14 Zino qilmang.

Chiqish 20:17 Qo'shningizning uyiga ko'z olaytirmang. Qo'shningizning xotini, quli yoki cho'risi, moli yoxud eshagi, unga qarashli biror narsasiga ko'z olaytirmang.”

Sahroda 11:4 Isroiil xalqi orasidagi qalang'i-qasang'ilarning nafsi o't tushdi. Isroiil xalqi ham ularga qo'shilishib fig'on chekib, zorlana boshladi: “Qani, endi go'sht bo'lsa!

Deuteronomy 5:21 Qo'shningizning xotiniga ko'z olaytirmang. Qo'shningizning uyi, dalasi, quli yoki cho'risi, moli yoxud eshagi, unga qarashli biror narsasiga ko'z olaytirmang.”

Deuteronomy 12:20 Egangiz Xudo sizlarga bergen va'daga ko'ra, yerlaringizni kengaytiradi. Shunda ko'nglingiz go'shtni tusab: “Go'sht yegim kelyapti”, deb aytsangiz, xohlaganingizcha go'sht yeysiz.

Deuteronomy 22:22 Agar biror erkak oilali xotin bilan yotsa va bu ma'lum bo'lib qolsa, ikkovi — xotin ham, xotin bilan yotgan erkak ham o'ldirilsin. Shu tariqa Isroildan yomonlikni yo'q qiling.

Yoshua 7:21 O'sha kuni o'lja orasida Shinardan keltirilgan chiroyli to'nni, 500 misqol kumush va og'irligi 125 misqol keladigan bir bo'lak tillani ko'rib qoldim. Ko'nglim tusab, ularni oldim. Ularni chodirimning ichida yerning tagiga ko'mib qo'yganman, kumush eng tagida.”

Zabur 9:24 Qabihlar yovuz ehtiroslari bilan maqtanadi, Ochko'zlar Egamizni la'natlaydi, Undan nafratlanadi.

Zabur 77:18,30 Ular ataylab Xudoni sinadilar, Ko'ngli tusagan ovqatni talab qildilar. **30 Ular to'ygunlaricha yedilar,** Xudo ularga ko'ngillari tusaganini berdi.

Zabur 80:13 O'z bilganingizcha yashang, deya Yuraklaringizni o'jarligicha qoldirdim.

Zabur 105:14 Sahroda ular nafsi buzuqlik qildi, Dashtu biyobonda ular Xudoni sinadi.

Zabur 118:36 Yuragimni nohaq foyda tomon emas, O'z shartlaring tomon burgin.

Sulaymonning Hikmatlari 1:19 Ochko'zlik bilan tortib oladiganlarning ahvoli shu! Ular o'z hayotiga zomin bo'ladi.

Sulaymonning Hikmatlari 6:25 Yuragingda uning go'zalligini orzu qilmagin,

ko‘zlariga mahliyo bo‘lma.

Sulaymonning Hikmatlari 15:27 Ochko‘z o‘z uyiga tashvish keltiradi, poradan nafratlanadigan esa yashaydi.

Sulaymonning Hikmatlari 21:25,26 Dangasaning orzusi o‘limga olib keladi, chunki qo‘llari ishga bormaydi. 26 Dangasaning kuni badnafslik bilan o‘tadi, solih esa ayamasdan beradi.

Sulaymonning Hikmatlari 28:16 Aqlsiz hukmdor juda zolim, adolatsiz foydadan nafratlanadigan uzoq yashaydi.

Ishayo 56:11 Ular to‘yganini bilmagan Ochko‘z itlarga o‘xshar, Bu cho‘ponlar idroksiz! O‘z foydasini ko‘zlab, Har biri o‘z yo‘lidan ketdi.

Ishayo 57:17 Ularning gunohu hasadgo‘yligi tufayli G‘azablanib, ularni jazoladim. Qahr bilan ulardan yuz o‘girdim, Ammo baribir istagan yo‘llaridan ketdilar.

Yeremiyo 6:13 “Ular kichkinasidan tortib kattasigacha, Nafsi tiyolmay harom yo‘l bilan pul topishadi. Payg‘ambardan tortib ruhoniygacha — Hammasi tovlamachilik qilishadi.

Yeremiyo 22:17 “Sen esa faqat nohaq foydani ko‘zlaysan. Begunoh odamning qonini to‘kasan, Zo‘ravonlik va zulm o‘tkazasan.”

Yeremiyo 51:13 Ey serob suvlar bo‘yidagi shahar, Boy xazinaga ega bo‘lgan shahar! Sening kuning bitdi. Hayoting ipi uzildi.

Hizqiyol 6:9 Ular begona xalqlar orasiga surgun qilinganda Meni eslaydilar. Meni rad etgan vafosiz qalblariyu, butlar ketidan qaragan hirsli ko‘zları dilimga qanchalik ozor yetkazganini tushunib oladilar. Ular qilgan qabihliklari va jirkanch ishlari uchun o‘z-o‘zlaridan hazar qilib, nafratlanadilar.

Hizqiyol 14:4,5 Sen ularga ayt: — Egamiz Rabbiy shunday demoqda: Butlarga ko‘ngil qo‘ygan, gunohni o‘ziga to‘g‘onoq qilgan, Isroil xalqidan birorta odam payg‘ambar oldiga kelsa, Men, Egangiz, o‘sha odamning sanoqsiz butlariga yarasha javobini beraman. 5 O‘sha butlari tufayli butun Isroil xalqi Mendan uzoqlashib ketdi, ammo Men beradigan javobim bilan ularning sadoqatini qozonaman.”

Hizqiyol 22:12 Shahardagi ba’zi odamlar pul uchun odam o‘ldiradilar. Bergan qarzidan foiz undiradilar, o‘zganing bor-yo‘g‘ini tortib olib, daromad ko‘radilar. Meni esa unutib yubordilar!” deb aytmoqda Egamiz Rabbiy.

Hizqiyol 33:31 Ular oldingga to‘dalashib kelishadi. Gaplaringni eshitib o‘tirishadi, lekin birontasi ham aytganlaringni qilmaydi. Ularning tilidan bol tomadi, ammo dilida o‘z foydasini ko‘zlaydilar.

Xo‘sheya 4:12 Ular yog‘och butdan vahiy so‘rashadi. Tayoqdan pand-nasihat olishadi. Shahvoni hirs ularni yo‘ldan urdi, Ular Men, Xudosiga bevafo bo‘ldi.

Xo‘sheya 5:4 Men Xudoyingman, Ammo qilmishlaring Menga qaytib kelishingga yo‘l qo‘ymas. Sen Meni — o‘z Egangni bilmaysan, Chunki qalbing shahvatga to‘lgan.”

Mixo 2:2 Sizlar birovning ekinzoriga ko‘z olaytirib, Uni tortib olasiz. Birovning uyini yoqtirib qolib, Uni o‘zingizni qilib olasiz. Birini o‘z uyidan, Boshqasini — meros qilib olgan yeridan mahrum etasiz.

Noxum 3:4 Ey Naynavo, o‘zingni buzuq fohishaday tutding, Suyuqoyoq jodugarday odamlarni rom qilding, Buzuqliging bilan xalqlarni qul qilding, Sehr-jodularing bilan o‘zingga og‘dirding.

Xabaqquq 2:9 Ey, harom yo‘l bilan boylik topib, uyiga tashiganlar, sizning holingizga voy! Sizlar uylaringizni balandlikda qurib, o‘zingizni kulfat changalidan asramoqchi bo‘ldingiz.

Matto 5:28 Lekin Men sizlarga aytaman: agar siz ayolga shahvat bilan qarasangiz, xayolingizda u bilan zino qilgan bo‘lasiz.

Mark 4:19 Ilekun dunyoning tashvishlari, boylikka o‘chlik va boshqa havaslar ularning yuraklariga kirib, kalomni bo‘g‘ib qo‘yadi, kalom esa samarasiz qoladi.

Mark 7:22 fahsh, ochko‘zlik, fosiqlik, makkorlik, shahvat, hasad, tuhmat, manmanlik va nodonlik chiqadi.

Luqo 3:14 Ba’zi bir askarlar ham undan: — Biz-chi?! Biz nima qilishimiz kerak? — deb so‘radilar. Yahyo ularga dedi: — Birovlarni nohaq ayblab, pul orttirmanglar, maoshingiz bilan qanoatlaninglar.

Luqo 12:15 So‘ng xaloyiqqa dedi: — Ehtiyyot bo‘linglar, o‘zingizni har qanday ochko‘zlikdan saqlanglar. Zero, insonning umri mol–mulkinining ko‘pligiga bog‘liq emas.

Luqo 16:14 Pulparast farziylar bularni eshitib, Isoni mazax qildilar.

Yohanno 8:44 Sizlarning otangiz Xudo emas, iblisdir. Sizlar o‘z otangizning nafsu ehtiroslarini bajo qilishni xohlaysizlar. Azaldanoq iblis qotil edi. U hech qachon haqiqat tarafdori bo‘Imagan, chunki unda haqiqat yo‘q. U yolg‘on so‘zlaganda, o‘ziga xos so‘zlaydi. Chunki u yolg‘onchi, yolg‘onning otasidir.

Faoliyati 20:33 Men hech kimning kumushi yoki oltini, yo kiyimiga ko‘z olaytirmadim.

Rimliklarga 1:24-29 Shuning uchun Xudo ularni o‘z yuraklaridagi chirkin ehtiroslari og‘ushida qoldirdi. Shu sababdan ular bir-birlarining badanlari bilan behayo ishlar qiladilar. 25 Ular Xudoning haqiqatini yolg‘on bilan almashtirib, Yaratuvchiga emas, balki yaratilganga sajda qilib, xizmat qiladilar. Faqatgina yaratuvchi Xudoga to abad hamdlar bo‘lsin! Omin. 26 Haqiqatni rad qilganlari uchun Xudo ularni o‘zlarining behayo ehtiroslariga topshirdi. Hatto ayollar ham tabiiy jinsiy munosabatni notabiiy munosabatga almashtirib, bir-birlari bilan jinsiy aloqa qildilar. 27 Xuddi shuningdek, erkaklar ham ayollar bilan bo‘ladigan tabiiy jinsiy munosabatdan voz kechib, bir-birlariga nisbatan shahvoni hirs bilan yondilar. Erkaklar bir-birlari bilan behayo ishlar qilib, qilmishlariga yarasha jazo tortyaptilar. 28 Bu odamlar Xudoni tanib–bilishni rad qilganlari uchun, Xudo ularni buzuq xayollarga topshirib qo‘ydi, shu bilan ular qilish mumkin

bo‘limgan ishlarni qiladilar. 29 Ular har turli adolatsizlik, yomonlik, ochko‘zlik va yovuzlikka to‘lib, hasadgo‘ylik, qotillik, janjalkashlik, firibgarlik va badfe’llikka mukkasidan ketgandirlar. Ular g‘iybatchi bo‘lib, Rimliklarga 6:12 Shunday qilib, endi gunoh sizlarning foniy tanalaringiz ustidan hokimlik qilmasin, xudbin istaklaringizga itoat etmanglar.

Rimliklarga 7:7 Xo‘sish, unda nima deymiz? Qonun gunohning manbaimi? Yo‘q, aslo! Ammo qonun bo‘limganda edi, men gunoh nima ekanligini bilmagan bo‘lar edim. Masalan, qonun “boshqalarning mulkiga ko‘z olaytirma” deb buyurmaganda edi, men buning gunoh ekanligini bilmagan bo‘lardim.

Rimliklarga 13:9,14 Axir, “Zino qilmang”, “Qotillik qilmang”, “O‘g‘irlik qilmang”, “Birovlarning mulkiga ko‘z olaytirmang”, degan va qolgan hamma amrlar quyidagi bir amrda mujassam-ku: “O‘zgani o‘zingizni sevganday seving.” 14 Rabbimiz Iso Masihga burkaninglar va bashariy tabiatingizning ehtiroslarini qondirishni hatto xayolingizga ham keltirmanglar.

1 Korinfliklar 5:10,11 Shubhasizki, bu dunyoning zinokorlarini, tamagirlarini, tovlamachilarini, butparastlarini nazarda tutmagan edim, aks holda sizlar bu dunyo bilan butunlay aloqani uzishingizga to‘g‘ri kelar edi. 11 Men o‘zini birodar, deb atab turib, zinokorlik, tamagirlik, butparastlik, g‘iybatchilik, ichkilikbozlik yoki tovlamachilik qiluvchi odam bilan aloqa qilmanglar, u bilan birga hatto ovqat ham yemanglar, deb aytgan edim.

1 Korinfliklar 6:9,10 Nahotki bilmasangizlar?! Nohaqlik qiluvchilar Xudoning Shohligidan bahramand bo‘lmaydilar-ku! Adashmanglar, jinsiy tomondan axloqsiz bo‘lganlar, butparastlar, zinokorlar, bachchabozlaru bachchalar, 10 o‘g‘rilar, tamagirlar, ichkilikbozlar, g‘iybatchilar va tovlamachilar Xudoning Shohligidan bahramand bo‘lmaydilar.

1 Korinfliklar 10:6 Ularning boshiga tushgan ko‘rgiliklar bizga ibrat bo‘ldi, toki biz ham ularga o‘xshab yovuzlik payida bo‘lmaylik.

1 Korinfliklar 12:31 Sizlar ulug‘roq in’omlarga ega bo‘lishga intilinglar. Endi sizlarga eng oliv yo‘lni ko‘rsataman.

1 Korinfliklar 14:39 Shunday ekan, birodarlarim, boshqalarga Xudoning so‘zini yetkazishga intilinglar, boshqalarning noma'lum tillarda gapirishlariga to‘sinqilik qilmanglar.

2 Korinfliklar 9:5 Shu sababdan va’da qilgan hadyangizni oldindan tayyorlab qo‘yinglar deb, o‘zim bormasimdan avval sizlarning oldingizga birodarlarni yuborishni lozim ko‘rdim. Shunda sizlarning hadyangiz norozilik bilan emas, sidqidildan berilgan hadya bo‘ladi.

Galatiyaliklar 5:16-20 ana shuni aytayin: Ruh yetakchiligida hayot kechiring, shunda xudbin istaklaringizni qondirmaysiz. 17 Axir, o‘shanday insoniy istaklar Ruhga qarshi, Ruhning istaklari esa insoniy xudbin istaklarga qarshidir. Bularning ikkalasi bir-biriga qarshi, shuning uchun sizlar xohlaganizingizni qila olmaysizlar. 18 Ammo Ruh sizni boshqarsa, siz qonunning amri ostida emassiz. 19 Xudbin istaklarga erk berish

quyidagilarni keltirib chiqarishi hammaga ayon: fahsh-zino, harom-harishlik, axloqiy buzuqlik, 20 butparastlik, folbinligu issiq-sovuq qilishlar, dushmanlik, janjalkashlik, rashk, jahldorlik, g'alamislik, nizolaru har xil guruhlarga bo'linish,

Galatiyaliklar 5:24 Iso Masihga tegishli bo'lganlar o'zlarining xudbin istaklarini va ehtiroslarini xochga mixlab qo'yganlar.

Efesliklar 2:1-3 Sizlar bir vaqtlar gunohlaru ayblaringiz tufayli ruhan o'lik edingizlar. 2 Sizlar bu dunyoning odatlari bo'yicha, yovuz ruhiy kuchlarning hokimi bo'lgan shaytonga bo'ysunib, gunohga botib yashardingiz. Xudoga itoat qilmay yashayotganlarning yuraklarida amal qilayotgan — shayton. 3 Biz ham bir vaqtlar xudbin istaklarimizni qondirib yashar edik. Tananing ehtiroslari va bema'ni o'y-xayollarga berilib yashaydigan, barcha odamzod kabi tabiatan Xudoning qahr-g'azabiga loyiq bo'lgan itoatsiz insonlar edik.

Efesliklar 4:19 Ular har qanday or-nomus tuyg'usini yo'qotib, fisqu fujurga berilganlar, har xil iflos ishlarni ishtiyoq bilan qiladilar.

Efesliklar 4:22-27 Oldingi yashash tarzingizga tobe bo'lmang, eski o'zligingizdan voz keching, chunki u aldovchi ehtiroslar tufayli buzilib ketgan. 23 Yangichasiga fikr-zikr qiladigan bo'linglar. 24 Xudoning suratida yaratilgan, haqiqiy solihlik va muqaddaslikdan iborat bo'lgan yangi tabiatga burkaninglar. 25 Endi yolg'onchilikni bas qilib, har biringiz o'z yaqiningizga haqiqatni aytinlar, axir hammamiz bir tananing a'zolarimiz-ku. 26 Hatto g'azablanganingizda ham gunoh qilmang. Quyosh botguncha jahldan tushinglar. 27 Iblisga fursat bermanglar.

Efesliklar 5:3,5 Sizlarning orangizda fahsh, zinokorlik, ifloslik yoki xasisligu ochko'zlik hatto tilga ham olinmasin. Bular Xudoning azizlariga munosib emas. 5 Shuni bilib qo'yinglarki, hech bir fahshboz, iflos yoki xasisu ochko'z inson Masihning va Xudoning shohligidan bahramand bo'lmaydi, chunki aytib o'tilganlarning hammasi butparastlik bilan tengdir.

Kolosaliklar 3:5 Shunday ekan, dunyoviy tabiatingizni, ya'ni fahsh-zino, nopoklik, shahvat, yovuz xohishlar va butparastlikka teng bo'lgan ochko'zlikni yo'q qilinglar.

- 1 Salonikiliklar 2:5 O'zlarining bilasiz, biz hech qachon tilyog'lamalik qilmadik, tamagirlik niyatida gapirmadik. Xudoning O'zi bunga shohid.**
- 1 Salonikiliklar 4:3-7 izlarning muqaddas bo'lishingiz Xudoning irodasidir. Shuning uchun jinsiy axloqsizlik qilmang. 4 Har biringiz muqaddaslik va izzat-hurmatga loyiq holda o'zingizni tuta bilishingiz kerak. 5 Xudoni bilmagan butparastlarday bo'lib, shahvoniy hislaringizga qul bo'lmang. 6 Jinsiy hayot tarziga kelganda, o'z birodarlaringizning ishonchini suiiste'mol qilmang, ularga xiyonat qilmang. Mana shunday hamma gunohlar uchun Egamiz jazolaydi. Biz sizlarga bu haqda oldindan aytib, qattiq ogohlantirganmiz. 7 Xudo bizni harom yo'ldan yurishga emas, balki muqaddas bo'lib yashashga chaqirdi.**
- 1 Timo'tiy 3:3,8 U mayxo'r, jahldor, janjalkash emas, balki muloyim,**

pulparastlikdan yiroq, 8 Imonlilar jamoatining xizmatchilari ham hurmatga sazovor, samimiylar insonlar bo'lishlari lozim. Ular mayxo'r yoki molparast bo'limasinalar.

- 1 Timo'tiy 6:9,10 Boylikka o'ch bo'lganlar esa vasvasa tuzog'iga tushadilar, ular ko'p bema'ni va zararli havaslarga berilib, halokat girdobiga g'arq bo'ladilar. 10 Pulparastlik har qanday yomonlikning negizidir. Mana, ba'zilar boylik ketidan quvib, imondan qaytib ketdilar va o'zlarini ko'pgina azoblarga duchor qildilar.**
- 2 Timo'tiy 2:22 O'g'lim, yoshlik ehtiroslaridan qoch. Chin yurakdan Rabbimiz Isoga iltijo qilgan odamlar bilan birga solihlik, imon, mehr-muhabbat va tinchlik payida bo'lgin.**
- 2 Timo'tiy 3:2,6 O'sha paytda odamlar faqat o'zini o'ylaydigan, pulparast, maqtanchoq, takabbur, so'kinadigan, ota-onaga itoat qilmaydigan, nonko'r, diyonatsiz, tosh yurak, 6 Ular atrofdagilarning ishonchini suiiste'mol qilib, uylariga kirib oladilar. Turli hirsu havaslarga berilgan, gunohlaridan vijdoni qiynalib yurgan nodon ayollarning dilini ovlaydilar.**
- 2 Timo'tiy 4:3 Chunki shunday vaqt keladiki, odamlar sog'lom ta'limotga toqat qilmaydigan bo'ladilar, ular atrofiga o'zlariga mos, quloqlariga yoqimli so'zlar aytadigan muallimlar to'playdilar.**

Titus 2:12 Bu inoyat orqali Xudo bizga shuni o'rgatadiki, biz xudosiz hayotdan va dunyoviy orzu-ehtiroslardan voz kechishimiz kerak. Axir, bizning ajoyib umidimiz bor: biz Najotkorimiz Iso Masihning kelishiga va buyuk Xudoning ulug'vorligini ko'rishga umid bog'laganmiz. Masihning kelishini kutar ekanmiz, bu o'tkinchi hayotimizda nafshi tiyishimiz, to'g'ri va taqvodor hayot kechirishimiz lozim.

Titus 3:3 Bir vaqtlar bizlar ham fahmsiz, itoatsiz, adashgan odamlar edik, har xil zavqu ehtiroslarning quli bo'lib, gina-kudurat va hasadgo'ylik bilan kun kechirardik, bir-birimizdan nafratlanadigan razil odamlar edik.

Ibroniylar 13:5 Pulga ko'ngil bog'lamanglar. Bori bilan qanoatlaninglar. Zero, Xudo: "Sizlarni tashlab ketmayman, sizlarni tark etmayman", — deb aytgan.

Yoqubning 1:14,15 Lekin har kim o'z ehtirosi dastidan vasvasaga duchor bo'lib, nafs tuzog'iga ilinadi.15 Keyin ehtiros homilador bo'lib gunohni tug'adi, gunoh esa yetilib, o'limga olib boradi.

Yoqubning 4:1-5 Orangizdag'i urush va janjallar qayerdan kelib chiqadi? Ichingizda jang qilayotgan nafsu ehtiroslaringizdan emassi?! 2 Sizlar o'zingizda yo'q narsani xohlaysizlar, o'shangacha erishish uchun odam o'ldirishdan ham toymaysizlar. Hasad qilyapsizlar, ammo maqsadingizga erisha olmagach, janjallahшиб urushyapsizlar. Sizlarda xohlagen narsangiz yo'q, chunki uni Xudodan so'ramaysizlar. 3 So'ragan taqdirda ham, olmayapsizlar, chunki yomon niyat bilan, nafsingizni qondirish uchun so'rayapsizlar. 4 Ey sadoqatsiz bandalar! Dunyo bilan do'stlik Xudoga dushmanlik ekanligini nahotki bilmasangizlar?! Kim dunyo bilan do'st

bo‘lishni istasa, Xudoga dushman bo‘ladi. 5 Muqaddas Bitiklarda: “Xudo ichimizga solgan ruhni g‘oyatda qizg‘anadi, U bizdan sadoqatni talab qiladi”, deb ta’lim beriladi-ku! Nima, sizlar bularni bekor deb o‘ylaysizlarmi?!

- 1 Butrus 1:14 Xudoga itoatkor farzandlar bo‘linglar, oldingi g‘aflat paytida sizlarni qamragan ehtiroslarga qil bo‘lib qolmanglar.**
- 1 Butrus 2:11 Ey azizlarim, sizlardan o‘tinib so‘rayman, jonga qarshi kurashadigan nafs ehtiroslaridan saqlaninglar. Axir, sizlar bu dunyoda g‘aribu musofirsizlar.**
- 1 Butrus 4:2-4 Bunday odam qolgan umrini nafsini qondirishga emas, Xudoning irodasini bajarishga bag‘ishlaydi. 3 Sizlar o‘tmishda xudosizlarday yashaganingiz yetar. O‘sha vaqtarda axloqsizlik, shahvatparastlik, sarxushlik, aysh-ishrat, kayf-safo, butparastlik razolati bilan kun kechirardingizlar. 4 Endi esa atrofdagilar sizlarni ko‘rib, hayron bo‘lyaptilar. Ularning yaramas qilmishlariga qo‘shilmaganingiz uchun sizlarni haqorat etyaptilar.**
- 2 Butrus 1:4 Masihning sharofati bilan biz Xudo va’da qilgan barakalarni oldik. Endi sizlar buzg‘unchi ehtiroslar dastidan avj olgan bu dunyoning axloqsizligidan qochib, Xudoning ilohiy tabiatidan bahramand bo‘la olasizlar.**
- 2 Butrus 2:3 Bu tamagir ustozlar to‘qib chiqargan gaplari bilan sizlarni yo‘ldan ozdiradilar, so‘ng pulingizni shilib oladilar. Ammo Xudo bunday odamlarni ancha oldin o‘limga mahkum qilib qo‘ygan. U mudramaydi, ularning halokatini kechiktirmaydi.**
- 2 Butrus 2:9-19 Bu misollar quyidagilarni anglatadi: Egamiz taqvodorlarni kulfatlardan qutqara oladi, betavfiqlarni esa qiyomat kuni dagi azoblarga hozirlaydi. 10 Ayniqsa, shahvoni yirsga berilib, o‘z tanasini bulg‘atuvchi, ilohiy hokimiyatni esa rad qiluvchi odamlarni U jazolaydi. Darvoqe, orangizdagagi soxta ustozlar ham ilohiy hokimiyatni rad qilyaptilar, ular surbet va takabburdirlar. Ular samoviy mavjudotlardan qo‘rqmaydilar, ularni nazarga ham ilmaydilar. 11 Farishtalar o‘sma yovuz mavjudotlardan kuchliroq va qudratliroq bo‘lishlariga qaramay, Egamizning huzurida mavjudotlarni haqoratlamaydilar, hukm ham qilmaydilar. 12 Ammo bu soxta ustozlar yovvoyi hayvonlarga o‘xshaydilar, ular faqat tug‘ma histuyg‘ulariga berilib yashaydilar. O‘zlari anglab yetmaydigan yovuz mavjudotlarni mensimay yuribdilar. Biroq ular o‘sma mavjudotlar bilan birga halok bo‘ladilar, hayvonlar singari ovlanib, yo‘q qilinadilar. 13 Soxta ustozlarning qilgan nohaqliklari o‘zlarining boshiga yetadi. Axir, ular kupper-kunduzi aysh-ishrat qilishni xush ko‘radilar, jamoatingiz sha’niga dog‘ tushiradilar. Sizlar taom yeish uchun birga yig‘ilganingizda, Rabbimiz Isoni xotirlash uchun non sindirganingizda, ular orangizda o‘tirib, kayfu safo qiladilar. Buzuqligi bilan boshqalarni yo‘ldan uradilar. 14 Ko‘zlari doimo shahvat bilan yonadi, gunoh qilib to‘ymaydilar. Ular imonda sust**

kishilarni ovlab, yo'ldan ozdiradilar. Bu soxta ustozlar istagan narsasini undirib olishga ustasi farangdirlar. Eh, la'natga uchragurlar! 15 Ular to'g'ri yo'lni tark etdilar, Bavo'r o'g'li Balom yo'lidan borib, gumroh bo'ldilar. Balom harom yo'l bilan pul topishni xush ko'rgandi. 16 Lekin bu gunohi uchun ta'zirini yedi. Tilsiz eshak tilga kirib, inson ovozi bilan payg'ambarning ahmoqligiga chek qo'ydi. 17 Bu soxta ustozlar bamisol suvsiz quduqdirlar, shamolda tez g'oyib bo'ladigan tuman kabidirlar. Ular uchun tim qorong'i zulmat tayyorlab qo'yilgan. 18 Chunki ular noto'g'ri yo'ldan zo'rg'a qochib qutulgan imonlilarni yana axloqsizlik domiga tortadilar. Dabdabali, ammo tentaksimon gaplari bilan ularni avrab, nafslarini qo'zg'atadilar. 19 Ularga: "Erkin bo'lasizlar", deya va'da beradilar, holbuki, o'zlari gunoh qulidirlar. Axir, odam nimadan yengilsa, o'shaning quli bo'lur, deb bejiz aytilmagan.

2 Butrus 3:3 Avvalo shuni bilinglar: oxirgi kunlarda shunday mazaxchilar bo'ladiki, ular chirkin ehtiroslariga berilib yashaydilar. Sizlarni mazax qilib,

1 Yohanno 2:15-17 Dunyoga va undagi narsalarga ko'ngil bog'lamanglar.

Dunyoni sevgan odamda Otamiz Xudoning sevgisi bo'lmaydi. 16 Zero, dunyodagi bor narsa — inson tabiatining xohishlari, nafs va boylik bilan mag'rurlanish Otadan emas, balki dunyodandir. 17 Dunyo ham, uning nafsi ham o'tib ketadi. Xudoning irodasini bajargan odam esa abadiy yashaydi.

Yahudoning 1:11 Bu soxta ustozlarning holiga voy! Axir, ular Qobilning izidan boryaptilar. Pulga berilib, boshqalarni Balomga o'xshab yo'ldan uryaptilar. Ko'rax singari isyon qilib, halokatga yuz tutyaptilar.

Yahudoning 1:15-19 U jamiki odamzodni hukm qiladi. Gunohga botgan betavfiqlarni mahkum etadi, Yaramas qilmishlari uchun, Uni haqoratlaganlari uchun Betavfiqlarni jazolaydi." 16 Oramizga kirib olgan bu betavfiqlar, qachon qaramang, ming'irlab nolib yuradilar. Faqat o'z nafsin o'ylab ish tutadilar. Maqtanadilar, o'z manfaatini ko'zlab, tilyog'lamalik qiladilar. 17 Sizlar esa, ey azizlarim, Rabbimiz Iso Masihning favoriyları aytgan bashoratlarni esingizda tutinglar. 8 Axir, ular sizlarni quyidagicha ogohlantirishgan: "Oxirgi zamonda shunday odamlar bo'ladiki, ular faqat o'z nafsin qondirish bilan ovora bo'lishadi, haqiqatga itoat qiluvchilarni mazax qilishadi." 19 Muqaddas Ruhga ega bo'Imagan bu betavfiq ustozlar inson tabiatiga qul bo'lib yashaydilar, orangizga nizo urug'ini sochadilar.

Vahiy Yohanno 18:14 Savdogarlar shunday deb aytishadi: "Ey Bobil, sen orzu qilgan ne'matlaring yo'q bo'ldi. Hashamatu savlating nom-nishonsiz g'oyib bo'ldi."